



茶集

中



和9
901
2





茶集卷之中



明 南昌 喻政 編輯

日本和泉 源靖重 訂

詩類

五言古

六羨歌

唐陸羽

不羨黃金壘，不羨白玉盃。
不羨朝入省，不羨暮入臺。
千羨萬羨西江水，流向竟陵城下來。

答族姪僧中孚贈仙人掌茶

李白

嘗聞玉泉山，山洞多乳窟。仙鼠如白鴉，倒懸深
溪月。茗生此中石，玉泉流不歇。根柯洒芳津，采
服潤肌骨。叢老采綠葉，枝枝相接連。曝成仙人
掌，似拍洪崖肩。舉世未見之，其名定誰傳。宗英
乃禪伯，投贈有佳篇。清鏡燭無鹽，顧慙西子妍。
朝坐有餘興，長吟播諸天。

宋著作寄鳳茶

宋梅堯臣

春雷未出地，南土物尚凍。呼課助發生，萌穎強

抽。共團爲蒼玉，璧隱起雙飛。鳳獨應，近臣頒。豈
得常寮共，顧茲定賤貧。何以叨贈貢，石碾破微
綠。山泉貯寒洞，味餘喉舌乾。色薄牛馬湮，陸氏
經不經。周公夢不夢，雲脚世所珍。鳥嘴誇仍衆，
常常濫杯甌。草草盈罌甕，寧知有奇品。圭角百
金中，秘惜誰可遺。虛齋對禽哢。

李仲求寄建溪洪井茶七品

忽有西山使，始遺七品茶。末品無水暈，六品無
沉相。五品散雲脚，四品浮粟花。三品若瓊乳，二

品罕所加絕品不可議甘香焉等差一日嘗一
 甌六腑無昏邪夜沉不得寐月樹聞啼鴉憂來
 惟覺衰可驗惟齒牙動搖有三四妨咀連左車
 髮亦足驚竦竦點霜華乃思平生遊但恨江
 路賒安得一見之煮泉相與誇

呂晉叔著作遺新茶

四葉及王游共家原坡嶺歲摘建溪春爭先取
 晴景大窠有壯液所發必奇穎一朝團焙成價
 與黃金逞呂侯得鄉人分贈我已幸其贈幾何

多六色十五餅每餅包青筠紅織纏素綵屑之
 雲雪輕啜已神覓醒會待佳客來侑談當畫永

茶園十二韻

王禹偁

勤王修歲貢晚駕過郊原蔽蒂餘千本青葱共
 一園芽新撐老葉新芽之上去
年舊葉尚在土軟送深根舌
 小侔黃雀毛獐摘綠猿出蒸香更別入焙火微
 溫採近桐華節生無穀雨痕緘滕防遠道進獻
 趨頭番待破華昏夢先經閭闔門汲泉鳴玉甃
 開宴壓瑤樽茂育知天意甄收荷主恩沃心同

復恐
得誤

茶集

卷之四

三

直諫苦口類嘉言未復金鑾召年年奉至尊

謝人寄蒙頂新茶

蜀土茶稱盛蒙山味獨珍靈根託高頂勝地發
先春幾樹初驚暖群籃競摘新蒼條尋暗粒紫
萼落輕鱗的皜香瓊碎鬢髮綠蠶勻慢烘防熾
炭重碾敵輕塵無錫泉來蜀乾峭盞自秦十分
調雪粉一啜燕雲津沃睡迷無鬼清吟健有神
冰霜疑入骨羽翼要騰身磊磊真賢宰堂堂作
主人玉川喉吻澁莫惜寄來頻

和向和卿嘗茶

陳淵

俗子醉紅裊羶葷敗人意花甌烹月團此樂天
不界諸公各英姿淡薄得真味聊為下季隱不
替江湖思輕雲落盃醜飛雪灑腸胃笑談出水
玉毫末視昂貴我作月旦評全勝家置喙傳聞
茶後詩便得古人配誰能三百餅一洗玉川睡
御風歸蓬萊高論驚兒輩

武夷茶

劉說道

靈芽得先春龍焙收奇芬進入蓬萊宮翠甌生

白雲坡詩咏粟粒猶記少時聞

茶壠

蔡襄

採茶

造茶

試茶

以上四首別行

試武夷新茶作建除體貽在杭

明徐燭

建溪粟粒芽通靈且氛馥除去竈上塵活火烹

苦竹滿注清冷泉旗槍鼎中熟平生羨玉川雅
志慕王肅定知茗飲易更愛七碗速執扇熾燃
炭童子供不足破屋烟靄青古鑄香色綠危磴
相對坐共啜盈數斛成宮酌未盡蕭然豁心目
收拾盃盤具送客下山麓開襟納涼颺林深失
炎燠閉門推枕眠一夢到晴旭

武夷試茶

陳勳

歸客及春遊九溪汎靈槎青峰度香靄曲曲隨
飛花東風發仙苑小雨滋初芽採掇不盈簪步

屨窮幽遐淪之松澗水冷然漱其華坐超五濁
界飄舉凌雲霞仙經閱大藥洞壑迷丹砂聊持
此奇草歸向幽人誇

七言古

走筆謝孟諫議寄新茶 唐盧仝

日高丈五睡正濃軍將扣門驚周公口傳諫議
送書信白絹斜封三道印開緘宛見諫議面手
閱月團三百片聞道新年入山裡蟄蟲驚動春
風起天子須嘗陽羨茶百草不敢先開花仁風

一本無
也字恐
衍

暗結珠蓓蕾先春抽出黃金芽摘鮮焙芳旋封
裏至精至好且不奢至尊之餘合王公何事便
到山人家柴門反關無俗客紗帽籠頭自煎吃
碧雲引風吹不斷白花浮光凝碗面一碗喉吻
潤二碗破孤悶三碗撥枯腸惟有文字五千卷
四碗發輕汗平生不平事盡向毛孔散五碗肌
骨清六碗通仙靈七碗吃不得也唯覺兩腋習
習清風生蓬萊山在何處玉川子乘此清風欲
歸太山上群仙司下土地位清高隔風雨安知

百萬億蒼生，命墜顛崖。受辛苦，便從諫議。問蒼生到頭，合得蘇息否。

試茶歌

劉禹錫

山僧後簷茶數叢，春來映竹抽新茸。宛然為客振衣起，自傍芳叢摘鷹嘴。斯須炒成滿室香，便酌砌下金沙水。驟雨松聲入鼎來，白雲滿盞花徘徊。悠揚噴鼻宿醒散，清峭徹骨煩襟開。陽崖陰嶺各殊氣，未若竹下莓苔地。炎帝雖嘗不解煎，桐君有錄那知味。新芽連拳半未舒，自摘至

煎俄頃，餘木蘭墮露香。微似瑤草臨波色，不如僧言靈味宜。幽寂采采翹英為嘉客，不辭緘封寄郡齋。甄井銅鑪損標格，何況蒙山顧渚春。白泥赤印走風塵，欲知花乳清冷味，須是眠雲跂石人。

美人嘗茶行

崔珏

雲鬟枕落困泥春，玉郎為碾瑟瑟塵。閑教鸚鵡啄窻請，和嬌扶起濃睡人。銀瓶貯泉水，一掬松雨聲來。乳花熟，朱唇啜破綠雲時。咽入香喉爽

紅玉明眸漸開橫秋水手撥絲篁醉心起移時
却坐推金箏不語思量夢中事

飲茶歌請崔石使君

釋皎然

越人遺我剡溪茗採得金芽爨金鼎素瓷雪色
飄沫香何似諸仙瓊藥漿一飲滌昏寐情思爽
朗滿天地再飲清我神忽如飛雨灑輕塵三飲
便得道何須苦心破煩惱此物清高世莫知世
人飲酒徒自欺好看畢卓甕間夜笑向陶潛籬
下時崔侯啜之意不已狂歌一曲驚人耳孰知

茶道全爾真唯有丹丘得如此

飲茶歌送鄭客

丹丘羽人輕玉食採茶飲之生羽翼名藏仙府
世莫知骨化雲宮人不識雪山童子調金鑪楚
人茶經虛得名霜天半夜芳草折爛熳細花啜
又生常說此茶祛我疾使人胸中蕩憂慄日上
香爐情未畢亂踏虎溪雲高歌送君出

採茶歌

一作紫
筍茶歌

秦韜玉

天柱香芽露香發爛研瑟瑟穿荻蔑太守憐才

寄野人山童碾破團圓月倚雲便酌泉聲煮獸
炭潛然蚌珠吐看着晴天早日明鼎中颯颯篩
風雨老翠香塵下纔熟攪時繞筋天雲綠就書
病酒兩多情坐對閩甌睡先足洗我胸中幽思
清鬼神應愁歌欲成

鬪茶歌

宋范仲淹

年年春自東南來建溪先煖水微開溪邊竒茗
冠天下武夷仙人從古栽新雷昨夜發何處家
家嬉笑穿雲去露芽錯落一番榮綴玉含珠散

嘉樹終朝採掇未盈簍惟求精粹不敢貪研膏
焙乳有雅製方中圭兮圓中蟾北苑將期獻天
子林下雄豪先鬪美鼎磨雲外首山銅瓶携江
上中瀟水黃金碾畔綠雲飛碧玉甌中翠濤起
鬪茶味兮輕醍醐鬪茶香兮薄蘭芷其間品第
胡能欺十目視而十手拈勝若登仙不可攀輪
同降將無窮耻吁嗟天產石上英論功不愧階
前冀衆人之濁我獨清千人之醉我獨醒屈原
試與招魂魄劉伶却得聞雷霆盧仝敢不歌陸

羽須作經森然萬象中焉知無茶星高山丈人
休茹芝首陽先生休採薇長安酒價減千萬成
都藥市無光輝不如仙山一啜好冷然便欲乘
風飛君莫羨花間女郎只鬪草贏得珠璣滿斗
歸

嘗新茶呈聖俞

歐陽脩

建安三千五百里京師三月嘗新茶人情好先
務取勝百物貴早相矜誇年窮臘盡春欲動蟄
雷未起驅龍蛇夜聞擊鼓滿山谷千人助叫聲

喊呀萬木寒凝睡不醒惟有此樹先萌芽乃知
此為最靈物宜其獨得天地之英華終朝採摘
不盈掬通犀銜小圓復窵鄙哉穀雨槍與旗多
不足貢如刈麻建安太守急寄我香筒包裹封
題斜泉甘器潔天色好坐中揀擇客亦嘉新香
嫩色如始造不似來遠從天涯停匙側盞試水
路拭目回空看乳花可憐俗夫把金錠猛火炙
背如蝦蟇由來真物有真賞坐逢詩老頻咨嗟
須臾共起索酒飲何異奏雅終淫哇

次韻再作

吾年向老世味薄，所好未衰惟飲茶。建溪苦遠雖不到，自少嘗見閩人誇。每啗江浙九茗草，叢生狼藉惟藏蛇。俗言多蛇豈如含膏入香作金餅，蜿蜒兩龍戲以呀。其餘品第亦奇絕，愈小愈精皆露芽。泛之白花如粉乳，乍見紫面生光華。手持心愛不欲碾，有類弄印幾成窠。論功可以療百疾，輕身久服勝胡麻。我謂斯言頗過矣，其實最能驅睡邪。茶官貢餘偶分寄，地遠物新

來意嘉親烹，屢酌不知厭。自謂此樂真無涯，未言久食成手顫。已覺疾病生眼花，客遭水厄疲捧碗。口吻無異蝕月墓，僮奴傍視疑復咲。嗜好乖癖誠堪嗟，更蒙酬句恠可駭。兒曹助噪聲哇哇

雙井茶

西江水清江石老，石上生茶如鳳爪。窮臘不寒春氣早，雙井芽生先百草。白毛囊似紅碧紗，十斤茶養一兩芽。長安富貴五侯家，一啜猶須三

日誇寶雲日注非不精爭新棄舊世人情豈知
君子有常德至寶不隨時變易君不見建溪龍
鳳團不改當時香味色

送茶與許道人

潁陽道士青霞客來似浮雲去無迹夜朝北斗
太清壇不道姓名人不識我有龍團古蒼壁九
龍泉深一尺憑君汲井試烹之不是人間香
味色

古靈山試茶歌

陳襄

乳源淺淺交寒石松花墮粉愁無色明星玉女
跨神雲鬪剪輕羅縷殘碧我聞巒山二月春方
歸苦霧送天新雪飛仙鼠潭邊蘭草齊露牙吸
盡香龍脂轆轤繩細井花暖香塵散碧琉璃椀
玉川冰骨照人寒瑟瑟祥風滿眼前紫屏冷落
沉水烟山月堂軒金鴨眠麻姑癡煮丹巒泉不
識人間有地仙

煎茶歌

蘇軾

蟹眼已過魚眼生颼颼欲作松風鳴蒙茸出磨

細珠落眩轉遠甌飛雪輕銀瓶瀉湯誇第一未
識古人煎水意君不見昔時李生好客手自煎
貴從活火發新泉又不見今時潞公煎茶學西
蜀定州花菱琢紅玉我今貧病苦渴饑分無玉
盃奉蛾眉且學公家作茗飲埽爐石銚行相隨
不用撐腸拄腹文字五千卷但願一甌常及睡
足日高時

錢安道寄惠建茶

我官于南今幾時嘗盡溪茶與山茗胸中似記

古人面口不能言心自省爲君細說我未暇試
評其略差可聽建溪所產雖不同——天與君
子性森然可愛不可慢骨清肉膩和且正雪花
兩脚何足道啜過始知真味永縱復苦硬終可
錄汲黯少戇寬饒猛草茶無賴空有名高者妖
邪次頑礪體輕雖復強浮泛性滯偏工嘔酸冷
其間絕品豈不佳張禹縱賢非骨鯁葵花玉鈔
不易致道路幽嶮隔雲嶺語知使者來自西關
緘磊落有百餅嗅香嚼味本非別透紙自覺光

烟烟批糖團鳳友小龍奴隸日鑄臣雙井收藏
 愛惜待佳客不敢包裹鑽權倖此詩有味君勿
 傳空使時人怒生癭

和子瞻煎茶

蘇轍

年來懶病百不堪未廢飲食求芳甘煎茶舊法
 出西蜀水聲火候猶能諳相傳煎茶只煎水茶
 性仍存偏有味君不見閩中茶品天下高傾身
 事茶不知勞又不見北方俚人茗飲無不有鹽
 酪椒薑誇滿口我今倦遊思故鄉不學南方與

北方銅鑪得火鉉錫叫匙脚旋轉秋螢光何時
 茅簷歸去炙背讀文字遣兒折取枯竹女煎湯

次魯直烹密雲龍韻

黃裳

密雲晚出小團塊雖得一餅猶為豐相對出亭
 致清話十三同事皆詩翁蒼龍碾下想化去但
 見白雲生碧空雨前含蓄氣未散乃知天賦誰
 能同不足數啜有餘興兩腋欲跨清都風豈與
 凡羽誇雕籠雙井主人煎百椀費得家山能幾
 本

龍鳳茶寄照覺禪

有物吞食月輪盡，鳳翥龍驤紫光隱。雨前已見
 織雲從，雪意猶在渾淪中。忽帶天香墮吾篋，自
 有同幹欣相逢。寄向仙廬引飛瀑，一簇蠅聲急
 須腹。急須東南之茶器禪翁初起宴坐間，接見陶公方
 解顏。頤指長鬚運金碾，未白眉毛且須轉。為我
 對啜延高談，亦使氣味超塵凡。破悶通靈此何
 取，兩腋風生豈須御。昔云木馬能嘶風，今看茶
 龍解行雨。

謝人惠茶器并茶

三事文華出何處，岩上含章插煙霧。曾被西風
 吹異香，飄落人寰月中度。岩桂秋開有異香木理成文如相思木然
 美材見器安所施，六角靈犀用相副。目下發絨
 誰致勤，愛竹山翁雲裏住。遽命長鬚烹且煎，一
 簇蠅聲急須吐。每思北苑滑與甘，嘗厭鄉人寄
 來苦。試君所惠良可稱，徃徃曾沾石坑雨。不畏
 七椀鳴饑腸，但覺清多却炎暑。幾時對話愛竹
 軒，更引毫甌斲詩句。

謝道原惠茗

太丘官清百物無，青衫半作蕉葉枯。尚念故人
 家四壁，郝原春雪隨雙魚。榴火兩餘烘滿院，宿
 酒攻人劇刀箭。李白起觀仙人掌，盧仝飲覩諫
 議面。瓶笙已作魚眼從，揚花傍碾輕隨風。擊拂
 共看三昧手，白雲洞中騰玉龍。堆胸磊落一澆
 散，乘風便欲款天漢。却憐世士不偕來，為借干
 將誅趙贊。

落當
作塊

北苑御茶園詩

元危微孫

大德九年歲在乙巳，暮春之初，薄遊建溪，陟
 鳳山，觀北苑，獲聞脩貢本末及茶品，後先與
 夫製造器法名數，輒成古詩一章，敬紀其實。
 建溪之東，鳳之嶼高，軋羨山凌，顧渚春風，瑞草
 茁靈根，數百年來，修貢所，每歲豐隆，啓蟄時，結
 蕾含珠，綴芳糝，探擷先春，白雪芽，雀舌輕纖，相
 次吐露，華厭浥。□□□□森森日蕃，蕪園夫
 采采及晨晞，薄暮持來，溢筐筥，玉池藻井，御泉
 甘瀟淪，芬馨浮釣釜，槽床壓溜焙，銀籠碧色金。

光照窗戶仍舊制巧為團錚錚月輾

□□入臼偃槍旗白茶出匣凝鍾乳駢臻多品

各珍奇一一前陳祭旁午雕鏤物象妙工儻鉅

細圓方應規矩飛龍在版龍版大小間珠窠窠大龍盤

鳳栖礎便玉杵鳳萬壽龍芽自奮張萬壽龍芽萬春

鳳翼雙翔舞宜年萬春瑞雲宜兆見雩祥瑞雲祥龍密雲

應釀西郊雨密雲小龍娟娟玉葉綴芳叢玉葉粲粲金

錢出園府錢金玄靈作雪散瑤華瑤華雪綠葉屯雲紛

翠縷雲葉又看勝雪烟冰紈龍團勝雪更覲卿雲下琳

宇王清慶雲上苑報春梅破梢上苑報春南山應瑞芝生

礎南山應瑞寸金為玦稱鞞紳寸金楯玉成圭堪藉組

玉玉葵心一點獨傾陽蜀葵花面齊開知向主御苑壽

無可比比璇霄無比壽芽年孰為宜宜寶聚宜年寶玉溯

源何自肇嘉名歸美祈年義多取粵從禹貢著

成書董茶僅賦周原膺爾來傳記幾千年未聞

此貢繇南土唐宮臘面初見嘗汴都遣使遂作

古高公端直國蓋臣創述加詳刻詩譜迄今

語世相傳當日忠誠公自許聖朝六合慶同寅

草木山川爭媚媼，汝南元帥渤海公。摻討前模
 闕，荒圃象賢有子侍。彤闈擁旆南轅興，百堵丹
 楹黼座儼中居。廣廈穹堂廓閎庶，清灑迎風洒
 御園。紅雲映日明花塢，和氣常從勝境遊。忱恂
 能格明，與涵濡苞體倍芳鮮。修治，
 楚穀羗躬率郡臣，絨題拜誓充庭旅。驛騎高
 六尺駒，遙通九關虎懸知。玉食燕間餘
 雪花浮盃天為舉，臣子勒拳奉至尊。一節真純
 推萬緒，聖主愛黎元。常慮顛厓，朱

草抽莖醴出泉，報君父欲將此意質
 端明

醉茶軒歌為詹翰林作 明王世貞

糟丘欲頽酒池涸，嵇家小兒厭狂藥。自言欲絕
 歡伯交，亦不願受華昏樂。陸郎手著茶七經，却
 薦此物甘沈寘。先焙顧渚之紫筍，次及揚子之
 中泠。徐聞蟹眼吐清響，陡覺雀舌流芳馨。定州
 紅瓷玉堪妬，釀作蒙山頂頭露。已令學士誇党
 家，復遣嬌娃字紈素。一杯一杯殊未已，狂來忽

鞭玄鶴起七碗初移糟粕腸五絃更淨琵琶耳
 吾宗舊事君記無此醉轉覺知音孤朝賢處處
 罵水厄僮父時時呼酪奴酒邪茶邪俱我友醉
 更名茶醒名酒一身原是太和鄉莫放真空落
 凡有

茶歌

胡文煥

醉翁朝起不成立東風無情吹鬢急小舟撐向
 錫山來野鷺閒鷗相對集呼童旋把二泉汲瓦
 瓶津津雲氣濕自從分得虎丘芽到此燃松自

雲胡本作雲

煎喫莫言七碗喫不得長鯨猶將百川吸我今
 安知非盧仝祇恐盧仝未相及豈但自解宿酒
 醒要使蒼生盡蘇息君莫學前丁後蔡相鬪貢
 忘却蒼生無米粒

龍井茶歌

屠隆

山通海眼蟠龍脉神物蜿蜒此真宅飛流噴沫
 走白虹萬古靈源長不息琮瑋時諧葉筑聲澄
 泓冷浸玻璃色令人對此清心魂一啜如飲甘
 露液吾聞龍女參靈山豈是如來八功德此山

秀結復產茶，穀雨霖霖抽仙芽。香勝梅檀華藏界，味同沆瀣上清家。雀舌龍團亦浪說，顧渚陽羨競須誇。摘來片片通靈竅，啜處泠泠沁齒牙。玉川何妨盡七碗，趙州借此演三車。采取龍井茶，還烹龍井水。文武并將火，候傳調停暗取金。丹理茶經水品兩足佳，可惜陸羽未曾此。山人酒後酣瓊鐘，陶然萬事歸虛空。一杯入口宿醒解，耳畔颯颯來松風。卽此便是清涼國，誰同飲者隴西公。

茶集
丘文舉寄金井坑茶用蘇子由煎茶韻荅

謝

徐煥

連旬梅雨苦不堪，酷思竒茗餐香甘。武夷地仙素習我嗜茶，有癖深能諳建溪。盈盈隔一水，弱葉封緘得真味。三十六峰岩嶂高，身親採摘寧辭勞。上品旗槍誰復有，未及烹嘗香滿口。我生不識逃醉鄉，煮泉却疾如神方。銅鑪響雷爐掣電，瓦甌浮出琉璃光。窻前檢點清異錄，斟酌十
六仙芽湯。

夏日過興公綠玉齋啜新茗同賦建除體

謝肇淛

建州瓷甌浮新茗，除盡煩憂夢初醒。
滿園枯竹根槎枒，平頭小奴支石鼎。
定知此味勝河朔，執杯勸君須飽酌。
破屋依山帶遠鐘，危峰吐雲來虛閣。
成都數綠昌明收，却春雷第一聲開口。
大笑各歸去，閉門卧聽松風生。

茶集卷之中終

